

أنا شاب وسيم أبيض أفضل لبس الجينز والبنطلونات على لبس الثياب لذا لو رأيتني في البنطلون والجينز يوحى إليك من أول نظره أنني من

بلاد الشام يقول كنت كعادتني في كل يوم خارجا من الأستراحة الساعة الثانية والنصف ليلا تقريبا وسأذهب الى البيت تعطلت بي السيارة فجاء في إحدى طرق الرياض وحينما أنا واقف لا أدري ماذا أعمل خطر ببالي ان أدع السيارة في مكانها وأركب أقرب ليموزين وأذهب الى البيت ويكره يحلها حلال

اهه هذا ليموزين اشرت لليموزين وقف باكستاني الجنسية ركبت معه ومن صفاتي أنني لا أتكلم يعني هادئ في طبيعتي لست بالثرثار وفي ما أنا مع صاحب الليموزين بادرني سائق الليموزين بالسؤال التالي :

هل أنت سوري الجنسية أم لبناني؟

هي لحظة تفكير وبعدها رددت عليه لا لبناني وسكت الباكستاني يسأل:

أين تعمل..؟ قلت في محل ملابس الباكستاني يسأل كم راتبك؟ رددت عليه الف ومائتين ريال طبعاً أنا كنت أجاريه ولا أعلم لماذا كذبت في البدايه لكن هي اقدار الله ولنقل لطفه ورحمته..

قال السائق الباكستاني وهل يكفيك راتبك الألف ومائتين ..؟؟ وبسرعه رددت عليه والله ولا يأكل عيش قال الباكستاني انا لو أعلم أنني سوف أعمل بهذا المرتب لذهبت الى بلدي لم أفهم ماذا يقصد سكت ولكنه استرسل في الأسئلة الا أن قال هل تعلم أنني في الشهر أكسب من العشرة الآلاف فما فوق اعتلاني الاستغراب !!!!

وسألته كيف ؟ ومن أين ؟

رد الباكستاني بقوله هناك بنات حشيش خمر هل تريد ؟ رديت عليه وقلت حشيش يمكن خمر فيه لكن بنات ومن مين من ليموزين !! هذا هراء..

لم يجاوبني بالكلام ولكنه أخرج من تحت المقعد اليوم كامل به صور لمجموعه كبيره أخذت الألبوم وجلست اقلب صفحاته الى أن وقعت عيني على صورة بنت والله لم ارى في جمالها فسبحان من صورها فقلت له هذه ما جنسيتها قال سعودي قلت له أنت تكذب فحلف يمينا اذا كنت تريده اتيها لك غدا.....؟؟!!!! قلت نعم اريدها ..

قال هذه بثلاثة الأف ريال وبعد محاولات كنت أعتقد أنها يا نسه

رد على وقال عشانك أول مره بألفين وافقت ذهب بي الى البيت قلت قف هنا عند هذه الغله نظر الي وقال هازا بيت انا ؟

قلت له لا هذا بيت الكفيل لأنني كنت أعلم لو علم أنني سعودي الجنسية لما لي لي طلبي لذا قلت له انه بيت الكفيل وجلست أخبره بطيبة كفيلي وأنه من النوع الشبابي على قولهم وقلت له متى تحيب لي البنت قال بكره قلت كيف وأين وقطعت كلمتي اين بأن يأتي بها في بيت كفيلي الذي هو بيتي بالطبع لم يوافق في البدايه ولكن بعد اقناع مني ان كفيلي شبابي وأنه لو عرضت عليه سوف يدفع وسوف نستفيد وافق بشرط أنه لو عرضت عليه أن لا يعلم بهذا الباكستاني ويكون أقناع كفيلي الوهمي عن طريقي فوافقت ولكن البنت أبيها بكره لي أنا لأن كفيلي مراح يكون موجود لا هو ولا العائله المهم أخذ الباكستاني رقم جوالي وأخذت رقم جواله لا————ط سواق ليموزين معاه جوال لا ولكوبرا..

بصراحه لم أنم جيدا كنت أتقلب متى يأتي غدا لكي يتحقق ما أريد ولقد كان كل تفكيري هذه البنت وأنا ما بين مصدق ومكذب الى أن أتى غدا الذي طال أنتظاره رجعت للبيت بعد العشاء مبكرا الأهل مسافرين فرصه جلست عند الدش أنتظر وكل شوي أقول لنفسي يا رجال صاحب الليموزين تأخر أدق عليه ولا ما أدق الا أن قطع هذه الأفكار صورت الجوال والله هذا الباكستاني بسرعه رديت عليه...

الوووو وينك جيت البنت هاه بشر ...
قال الباكستاني أول فيه فلووووووس قلت ايه فيه
قال الباكستاني وين أنت؟
قلت في بيت الكفيل اللي أمس نزلتني عنده
قال على طوووووول أفتح باب سرعه فتحت الباب والى البنت في الليموزين !!

أول فين فلوووووووس الباكستاني يقول عطيته الألفين...
ودخلتها البيت وبعد ما جلست البنت المسكينه نضرت اليها ما شاء الله وش هالجمال هذا والله الباكستاني هذا كسبناه في صفا الا يخليه انا والله الزبون المهم..
انا في أول الأمر كان كل همي أتلدذ بالنظر اليها بديت أتحسسها أتكلم معاه

لكن لاحظت شئ غريب !!!
البنت ماهي طبيعيه ساكته شكلها مغصوبه أو مكرهه أول ما تكلمت معاه قالت الله يخليك ياالله خلصني خلني أمشي ...!!!
هذا والله شئ ثاني غريب كلامها لكنتها من نجد لا وشكلها بنت ناس وماهي محتاجه المهم قلت لها :-
انتي بصراحه أمرك غريب وش فيك قالت مافيني شئ خلصني خلني أمشي بصراحه...
والله في هذي اللحظه ما أدري وش صار بي نسيت شئ اسمه

جنس نهائيا فتفكيري في تلك اللحظة كان منصب على وش
سألت هالبت سألتها السؤال التالي :

انت سعودي وشكلك بنت ناس يعني ماأنتي محتاجة للفلوس ؟
البنت ساكتة ماردت واللي قاهرني وأكد لي أنها مكرهه
أنها الا الآن كاشفه الوجه بس يعني مازالت لابسه العبايه
حياء ..!

سألتها الســــــــؤال الثاني شوفي يا بنت الناس أنتي شكلك
مكرهه على الشئ هذا وبصراحه أنا أشك أنك تخفين على قصه
وش سألتك أنت؟

ما ردت البنت ولكن حسيت أنها أرتاحت لي شوي يعني أحس
ودها تتكلم لكن فيه شئ خايفه منه
و رديت عليها وحلفت لها لو قالت سألتها لي والا وش اللي
مكدر خاطرها والله يكون بيني وبينها والوجه من الوجه ابيض
وأنا على استعداد أني اساعد بعدها ...

ما أدري الا البنت تطيح على حجري .. وتبكي .. والله العظيم
الله يعلم أني ساعتها بكيت من بكائها وأخذتني الشهامه
لم أتحمل الموقف لكن صبرت نفسي وصرت أهدئ البنت الى أن
هدأت وقلت لها هاه هاتي قصتك وأنا على ما وعدتك به ويشهد
على ربي..

فبدأت البنت قصتها تقول البنت :
شفت الباكستاني اللي جابني لك قلت ايه وش فيه قالت هذا
ابن الكلب يعرف من هم على شاكلتي كثير ما هو أنا فقط رديت
عليها واضح أنه يعرف لأنني يوم كنت معه راكب ورائي صور
لمجموعة بنات سعوديات وغيرهم المهم كملني وشفيه..؟

قالت انا متزوجه وصار على زواجي سنه ونصف تقريبا المهم
في يوم من الأيام زوجي كان عنده مناوبة اتصلت عليه وقلت له
ابروح المحل الفلاني في السوق الفلاني تسمح لي والا ما
تسمح ؟

زوجي وافق على طول طبعاً بما أننا تونا عروسين ولا عندنا
عيال ساكنين شقه على شارع من شوارع الرياض يعني الشارع
بجمبي والبقاله وكل شئ ..

نزلت الصباح وركبت مع هذا الخاين الباكستاني وقلت له ودني
للمشوار اللي ذكرته لك وما دريت عن نفسي الا وأنا في شقه
عريانه والباكستاني فعل فعلته الشنعاء بي هو ورفيقه أصارخ
وش أسوي موقف ما أدري وش لون اشرحه لك تكمل وتقول
لبست بسرعه وأنا أصارخ ..

جاني الباكستاني وقال شوف أنتي قرقر كسيبيير ما يبغى انا
ودي بيت أنته ما فيه روه ليموزين تاني أوكيه ماما حلوه انا
بصراحه خايفه ما أدري وش أسوي أفكر في زوجي المسكين لو
درري بالأمر زواجي مستقبلي شرفي سمعتي أهلي أمي وأبوي
أخواني ..

لكن قطع الباكستاني تفكيره بـصور لي وأنا عاربه على عدة
أحوال وأشكال يهددني بها ..

وافقت على مضمض وداني البيت ولما هميت بالنزول قال
الباكستاني شوف ماما أنته يدخل بيت دق تليفون على طول أنته
ما يدق تليفون أنا سوي صوره سوي سوي باب (يلزق الصورة
فى الباب) .

طلعت ابكي دقيت عليه بعد ما أعطاني رقم جواله رد علي
الباكستاني وقال شوف ماما انا ما يبغى أي حاجه أنا دق تليفون
كلام أنته يجي برا سوي سوي انا يجي مافيه يجي أنته معلوم أنا
ايش فيه سوي ..

انا في أول الأمر قلت ابسكت وما راح أرد عليه لو دق بكيفه
والله ابي الستر انسي يا بنت هذا مقدر ما هو بكيفك رجع زوجي
هاه رحتي للسوق قلت وانا نفسي اقول له قصتي لكن خايفه
من ردت فعله تكون قاسيه وخايفه من السمععه والمستقبل ان
يضيع المهم رديت قلت لا ما رحت هونت ا جيب العشاء رد زوجي
لا أدخل أنام مسكين داخ من الدوام والخفاره زوجي راح ينام
وأنا عند التلفزيون صحيح كان فيه مسلسل لكن عقلي كان في
مسلسل ثاني وما دريت الا الباكستاني يدق تليفون سكرت
السماعه في وجهه أول مره دق مره ثانيه سكرت في وجهه لما
دق المره الثالثه سمعته يقول ماما شوف صوره هلوه سوي
سوي باب سكرت وطررت على الباب أطلع وايش أطلع صورتي
وأنا عريانه في غرفة نوم سحبت الصوره قطعتها
وأنتظرته يدق لم يطل هذا الأنتظار هاه ماما انا كلام لازم أنته
يمسي كويس ما فيه دور دور ..

قلت له وأنا خايفه زوجي يدري يا ابن الناس الله يرحم والدك
أنا متزوجه خلني في حالي ما رضى أغريته بالفلوس رد على
وقال :

ســــــــــــــــووف ماما أنته لو يزيب مليون ريال أنا مافيه وافق
معلوم سوف بكره أنا يبغى أنته باليل قلت له ما أقدر زوجي فيه
المهم نسق معاي على أساس أطلع معاه متى ما يبغى بعد ما
يكون زوجي مداوم أو في خفاره طبعاً ووالله الفلوس اللي يا
خذاها الا الآن لي فوق الشهرين على هذه الحال المزريه ما
أخذت منها ولا ريال أنتهت البنت في سرد قصتها .
من زود الشهامه فيني والله ما أدري كيف ضمنتها لكن والله
كأني ضام حجر لا جنس ناعم وأنا أبكي وأحس بداخلي بركان
والله لو أنفجر لأحرق العالم بما فيه من شدة الغيره والغضب

المهم أتفقت أنا وهي على أن تترك الأمر على ماهو عليه وأن
تترك حل قصتها بيدي بشرط أن تعذني أن تنفذ ما أطلب
منها وافقت على أن أستمر عليها عاهدنا بعض وأتفقت على
أن تأتيني مره ثانيه الساعه ثنتين الليل تقريبا دقت على
الليموزين جاء وأخذها أنا بدوري مسكت الباكستاني وقلت
والله أنك ملعون ايش هذا ياليت أنا صديق أنته من زمان انا فكر
روح للبنان لكن الحين خلاص كله موجود هز رأسه ..
هذا الخائن وقال أنته الهين معلوم رقم موبايل يبغى اي هاجه
نزم سهره هشيش خمر بنات كتير كتير ولا أنسى مقوله
الباكستاني لي أول ما بدأ نقاشه معي في يوم التعارف معه يوم
كنت أرد عليه باستغراب كيف هذا في السعوديه تدرن ويش
قال؟ قال؟ سوف هادا نفر سعودي شباب يبغى بنت وبنت
يبغى شباب أنته زيت بنت شاب سوى سوى وانته سيل فلوس
كتير واهد سنه بعدين كلاسس سفر بلد أنته

راحت البنت بصراحه جاني أرق ما نمت ابدا يارب وش
أسوي سكرت الدش جلست ابكي وما عرفت البكاء الحقيقي الا
ذلك اليوم بالذات نصفه ابكي ونصفه أدعو الله لهذه المسكينه
بالستر لكن ما باليد حيله نفسي أذبحه لكن ما يفيد البنت أمره
مفضوح مفضوح والله عاملتها مثل الأخت وزياده ...

أستغفرت الله ونذرت لله نذرا بالتوبه اذا الله دلني طريقه ما
لحل هذا الأمر لو بلغت الهيئه أنفضحت البنت وكنت أعترف
أن الهيئه هي أم الفضايح طبعاً شباب أفكاره ملوثة بالدش
وبجلساء السوء وش رايكم يحب الهيئه وحتى لو كان يحبها لكن
الى حد معين لكن سبحان الله يهدي من يشاء الى سواء
السبيل ..

طلعت من البيت طبعاً البيت فاضي الأهل مسافرين طلعت
للشارع أفكر وحينها خطر ببالي فكره تدرن ويش هي والله ما
أدري ويش اللي عزميني عليها لكن حصل اللي حصل الساعه
ثلاثه قلت تدري ياولد نم وبكره يصير خير طبعاً ما نمت زين من
التفكير ..

وأقول لكم بصراحه صليت الثالث الأخير من الليل وصليت الفجر
في وقتها وهذه أول مره إسويها في حياتي استغفر الله وأسأله
أن يثبتني ..

جاء غدا بعد طول أنتظار وهميت ابسوي الفكره اللي في
بالي تدرن من رحت له رحت لرجال من رجال الهيئه
المعروفين بالنزاهه ولو تدرن من هو ما تصدقون أني رحت له
هو بالذات هذا الرجال كم مره مسكني أغازل سبحان الله كنت
أكرهه كره نفسي أشوفه مقطوع قطع كنت أبغضه بغض ..

المهم سلمت دورته في مركز الهيئه قالو أنه طالع في مهمه مع الأخوان متى بيرجع أبيه ضروري الله يخليكم وصلوني به ..

يتبع

رد علي واحد من رجال الهيئه اللي في المركز انت من أنت ..؟
أنا كأني شايفك والله منت غريب بصراحه كانت سمعتي مش ولا بد معروف يعني في الساحه الغزليه المهم ترجيته يوصلني بهذا الرجل وقلت الأمر فيه حيات وموت ما قصرودقو عليه جوال ربع ساعه والا الرجال عند المركز نزل من الجسم السلام عليكم من ياهلا ومرحبا هاه وش سالفتك وش أنت مسوي الله يهديك؟؟

ما تركته يكمل طبعا قلت له ابيك بأمر ضروري مسأله حيات وموت وحلها بين يديك رد علي أنشاء الله خير قلت الا الشر بعينه تعود من الشيطان وقال وش تبي قلت ابيك تجي معي البيت..

بصراحه الرجال شك في الأمر يمكن خاف اسوي به شي مثلا ما أدري والله وش كان تفكيره لكن رد وقال البيت؟
قطعت كلامه قلت اي مكان غير المركز اختر المكان أنا وانت بس وافق بعد الحاج عزمته في كفي شوب طبعا الرجال كان يعتقد ان الأمر ما يستاهل وبصراحه ما جلسنا لا في كفي ولا غيره قعدت أدور أنا وباه في السياره يوم ركب معي السياره قال تدري أنزل تعال معاي في سيارتي بصراحه سيارتي ما تواجه كل ريحتها تعج بالخان والأشرطه حدث ولا حرج ركبت معه وقلت له سالفتي بحق وحقيقه وأني كنت نفسي أزني بالبنت لكن سمعت قصتها وتأثرت جداا وقلت له كل السالفه من طلقك لسلام عليكم هو بصراحه تعرفون رجل هيئه ومسكني كم مره مهوب شك لا .. لكن كأن الموضوع ما خش في مخه لكن أنا من شدتي قهري ودي يصدق اني ما أبغى الا وجه الله بكيت وبعدها أخذ يهديني ويقول الله يهديك أنشاء الله وما خش في اي سؤال في الموضوع والله انا أشهد أنهم مهوب رجال وبس الا أذكاء وسياسيون درجه أولى تركني انا أوضح له كل شئ الى أن قلت له هاه ايش العمل ؟

قبل ما يبدأ قلت أنا أبعترف بكل شئ وأسوي لكم كل ما تبون لكن لي شرط أن وافقتو عليه لكم ما تبون وأن ما وافقت الوجه من الوجه ابيض..

رد علي وش هو شرطك ؟

رديت البنت ..

قال لي البنــــت وش فيها الله يهديك؟
قلت البنت ما بيها تخش في الموضوع ابدا ابي لها الستر بس
وأن بغيتو أي معلومات أي شيء انا قبيلكم خذو مني أي شيء لكن
البنت ما ابوها تخش في أي حاجة لا تحقيق ولا غيره تراها ان
خشت في أي تحقيق او خلافه تراها بتنفضح وخصوصا لدى
زوجها يعني اكيد المعلومات بتوصله من بعيد والا قريب..

رد علي وقال ابشــــر طلبك مجاب بصــــراحه أنا في
أول الأمر خرتني المويه يعني ما وثقت فيه لكني كنت واثق تمام
الثقه في الله عزوجل بعدها قلت كيف أقتنع ان البنت ما تدخوها
في أي مشكله وعدني وعاهدني بالله رديت ونعم بالله ..

لكن وش يضمن لي بصراحه سمعتكم أنتم بالهيئه زفت وأقولها
في وجهك ابتسم وقال لي حديث والله ما أذكره الآن لكن هو
حديث عن الرسول صلى الله عليه وسلم ((من ســـــــتر على
مسلم في الدنيا ستر الله عليه يوم القيامة)) أو كما قال رسول
الله

وأخذ يسترسل في الآيات والأحاديث والأحاديث لكن ما صدقت
الى الآن أنا ما وثقت الى أن كشح في وجهي الله يجراه خير
وقال :

(من حلف له بالله فليرضى ومن لم يرضى فليس منا)
هديت وأستعنت بالله ووريت بيتنا وخططنا على مسك
الباكستاني واللي وراه وأحكمتنا الخطه رجعت البيت طبعاً أفكر
وأفكر دق علي كم واحد من أخواني ماردت عليهم قالو أكيد
هالخبيل مسكات شكله سافر الرجال ما يصبر وما يسقم عن أهله
طبعاً أنا ما خذ رقم البنت دقيت عليها ردت الو وقلت لها أي
ابوها تجيني في اليوم الغلاني تقدر ردت وقالت ارد لك خبر ..

وجاني الخبر بالموافقه وكانت تترجاني وأنا أقول لها أعتبريني
أكثر من أخوك وأكثر بعد وعادتها وبصراحه ما تطمنت الا يوم
قلت لها الو لحظه نسيت أقول لك لا تسكرين لحظه ردت وقالت
نعم

قلت لا تنسين تصلين الثلث الأخير من الليل ترى الله ينزل
السماء الدنيا يقول هل من سائل فأجيبه هل من سائل
فأعطيه ..

تأثرت البنت من هذه الكلمه بكت قالت رح أنا رهن أشارتك من
بعد هذه الكلمه لو طلبت مني أي شيء انا حاضره انا في ساعتها
ما أقدر أتكلم خنقتني العبره سكت قالت الله يوفقك دنيا وآخره
بصراحه حسيت أنها دعوه من القلب رديت والله يستر عليك
وبسمح أمرك.

جاء اليوم المتفق عليه دقيت على الباكستاني الو اهلين

اخلين صديق كيف هال أنت
والله الحمد لله أنت كيفك الهمدله كله كويس شوف صديق أنا
معلوم أنته بنت جيب أول
رد الباكستاني ايوه كيف ما فيه معلوم ايس فيه
أنا أبغاه اليوم الليل الساعه عشره في بيت الكفيل
رد الباكستاني سوف صديق فيه بنت كثير هلو صغير رديت عليه
وقلت لا أنا ابي اللي جبتها أول مره هلو
قال سلاسه ألف قلت تكفى يا صديق خلي رخيص أنا زبون
هاه لاء أنا سوي أول مره رخيص

المهم أنا أبطمنه بس لا والفلوس مقدور عليها لكن ابطمنه
قلت له شوف أنا أبغاه نفس السعر الفين وابغى شووي حشيش
وشو خمر بكذا انت تاخذ ثلاثه الاف والبنت تكون بألفين بعد
محاولات وتكسير راس وافق هالخابن المهم خوي الرجال اللي
في الهيئه ضبط وضعه ونسق مع الجهات الأمنيه من دوريات
ومباحث وخلافه دقت الساعه عشر والى الباكستاني خوي
مواعيده قرينتش يعني مزبوطه من يوم وقف عند البيت الى
الليموزين محاصر من دوريات الهيئه السريه والمباحث خوي
اللي في الهيئه مسك البنت على جمب ركبها مع اثنين من
المطاويع وودوها بصراحه ما أدري وين أنا اللخمت وقلت وين
الوعود اللي قطعها لي هالمطوع وقلت بعد ايه صدق من قال
الهيئه كلهم فضايح ركبنا وأنا ساكت مع المطوع رحنا لقسم
معروف في الرياض دخلنا القسم وأنا ساكت دخلو الباكستاني
طبعا فتنشو الليموزين لقو اليوم الصور أخذو الجوال حقه ويافيه
أرقام والله بلاوي والصور حدث ولا حرج المهم دخل الطابيط
على اساس يبدأ يأخذون أقوالي قمت ومسكت المطوع وقلت له
على جمب ...

وين وعدك وين الأيات اللي كنت تقول لي وين الأحاديث وين
اتفاقنا بصراحه كنت متسرع لكن لعله يعذرني والله بالي وفكري
على مستقبل هالضعيفه رد وقال وش صار قلت وين وديتوها
تفضحونها ابتسم قال اطمئن البنت في بيتها الحين ..
قلت لا تسرحني لا تكذب ..
وعلى طول قال تقدر تتأكد بنفسك هو ما يدري أن عندي
تليفونها كان بيروح معاي لبيتها على طول رفت الجوال ودقيت
ردت البنت الو وهي خايفه على طول رديت عليها السلام عليكم
البنت خايفه بقوه

قلت شوفي يا بنت الناس الله يستر عليك ويستر على بنات
المسلمين قضيتك أنتهت والوجه من الوجه ابيض وأنتيهي
لنفسك مره ثانيه وخلص وهي تسمع وساكته لكن فيها بكوه
المهم آخر ما أتذكر اني قلته لها والمطوع جمبي هو والطابيط
أكرر أنتيهي لنفسك وصوني بيت زوجك ولا أوصيك بصلاة الليل
وباليت كلما تذكرتيني تدعي لي في صلاتك بالثبات والهدايه
وأتمنى تدعين لكل من ساعدك في بناء حياتك من جديد

ما قدرت تتمالك نفسها بكت لكن والله مهما اشرح لكم طريقة بكائها ما تستوعبون كيف ردت علي بالدعاء لي ولوالدي ولكل من ساعدها وقبل ما تسكر قالت لي كلمه ما أنساها ابدا تصدقون ما سمعتها من أخواني وأخواتي في حياتي تدرون وش قالت؟

قالت أعتبرني مثل أختك وأكثر ولو حدك الزمن وبغيت شئ ترى رقبتي سداه وبعدها كان الوداع وبعـد ما سكرت السماعه أطرقت برأسي قليلا ثم نهضت من الكرسي وألتفت والى المطوع وراي جالس يستغفر قمت والله أفعلا بكل شرف وأفتخار واعتزاز وأقولها لكم لقد قبلت يده وقبلت رأسه وكان يدفعني لئلا أقبل يده ويقول الله يثبتك ويهديك السراط المستقيم..

ومن زود الفرحة رحت للطايط وقبلت رأسه وهو ماله دخل لكن الفرحة ما كانت تسعني ضحكوا وقالو الله يهديك الان نستكمل فتح المحضر وبداية التحقيق ..

أنتهت قصتي مع تلك الفتاة ولكني لم أنسى الوعد الذي قطعته مع الله في تلك الليلة المظلمه فلقد نفذ ما كنت أريده وتم لذا قررت العوده الى طريق الهدايه وأعادة ترتيب أوراقى المخطئه ومن يومها وأنا لا أضيع اي فرض من فروض الصلوات الخمس فضلا عن أنني بدأت اصلي وأحافظ على صلاة الليل أحافظ عليها لا لسبب الا أنني لما أحترت في إحدى الليالي وعجزت في إحدى الليالي لم أجد من معين ولم أجد من سائر ولا مجيب الا الله الذي ينزل في آخر الليل سبحانه جلت قدرته يقول هل من داعي فأجيبه هل من سائل فأعطيه فلقد سألته وأعطاني دعوته فأجابني فله الفضل كله وله الشكر والأمتنان .

أما صاحبنا الباكستاني فأقر على جرائم لا تحصى ويشيب منها الراس ولا يسعني الوقت ويجف القلم ولم يكمل هذه الجرائم الى ان الذي أود منكم أن تعلموه أن هذا الباكستاني سائق الليموزين اعترف بأن له أعوان كثر وحينما أكتمل التحقيق جاء لي الخبر من صاحبنا جزاه الله خيرا ووفقه أنه عن طريق هذا المجرم الخائن تم القبض على شبكه متكامله للدعارة والتغريب بنساء المسلمين وبيع الخمر وأنتاجها علاوه على بيع هذا السم القاتل الحشيشه... قبض على هذه الشبكه المتكامله وعددها خمسة وثمانون ليموزينا أكثريتهم وأغلبيتهم من الجنسيه الباكستانيه .

ارجوا ان لا اكون قد اطلت عليكم ولكن اردت نشرها لآخذ العبرة كما ذكرت انفاً ..

هذي قصة وصلت بالايمل